



0
1cm

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

deli
浙字02260122号 No.6230
得力集团有限公司



010125











臨野堂文集卷四



臨野堂文集卷四

吳江鈕 琇玉樵



序

黃圭庵詩文集序

余之與吳愧庵先生遊也生八年矣輒嗜古作茅
焦張良諸論間以呈愧庵愧庵心善之以詩贈有
曰爾言寧激發吾道本光明又曰何當來小友塊
壘覺消平愧庵固余師事者不自嚴而友余余敢
友愧庵哉厥後從南邨夫子受論語尚書及制義
夫子于愧庵爲季父故得時時過從愧庵愧庵又

心喜之以爲受吾叔業之愈吾業也今夫子往矣
愧庵又被難其妻子流離冀北老母年且七十餘
髮垂垂白覆雙耳倚徙蓬蓽間天涯日斷旅櫬浪
泊而閨中婦殉義國門外幼孫被羈縲走遼海數
千里道旦夕之膳待命閭里嗚呼悲矣夫以愧庵
之孝於親持七尺耒耕南山之田收數斗粟易于
市得甘脆令妻子肅盤厄而進之豈宜有是耶愧
庵之所以厄于人者余知之矣以其好行仁義而
自力于古也好行仁義則所履正所履正則不毀
其志以從於邪自力于古則出入于往昔聖賢之

言而以發其感情無聊之意憫時嫉俗往往有之

其志以從於邪自力于古則出入于往昔聖賢之
言而以發其感憤無聊之意憫時嫉俗往往有之
噫此固愧庵之所答於天者而豈人之所欲者乎
龍門奇士也而服賤刑孟堅碩儒也而桎梏以死
機雲一俊也而駢首戮之數子者當其閉門拒跡
立說著書思有所自見於世非爲夫傷膚髮斷肢
體之謀也而禍旋及之後之好仁義而自力于古
者思矣雖然豈愧庵之心哉富貴止于其身年壽
有時而盡未若好仁義而力古者之無窮則人之
所以厄愧庵而卽天之所以厚愧庵也圭庵黃子
爲門下高弟其所爲詩古文詞皆淵源于愧庵不

負所學愧庵有傳人矣癸卯孟冬過畢子宿宮齋
出黃子集讀之并讀愧庵之序是集者時坐小樓
夜將午風雨颯沓從西牕來孤燈熒熒泫然想見
其爲人因念人之欲全身保妻子棄仁義而自絕
于天者鮮不以愧庵爲口實求如吾黃子圭庵之
以仁義自信而不惑於人也烏可得哉

醒石上人詩集序

騷雅之雋以風流自賞恬淑之才以澹泊爲高其
居養之所移者殊也浪仙苦吟三經年而得句廷
筠捷獲八叉手而成章其才情之所昭者一也若

有脫畧塵區之外牢籠藝圃之間客至孤峯則白

筠捷獲八叉手而成章其才情之所昭者一也若

有脫畧塵區之外牢籠藝圃之間客至孤峯則白
雲待掃琴張靜夜則明月入懷居之適也而所養
自淳蓮花作社則高詠先成柿葉滿庵則新書欲
徧才之敏也而其情又逸斯固古今之曠軌而通
人之所兼者矣慨自四始之風永息五言之城已
堙魏晉以來麗深而失理宋元之際腐極而流淫
唯貞曆之揆華與弘正之敦古可謂殊代追踪異
朝合響迄于今茲道與時易人隨世遷石渠閣上
羣集饑烏銅馬門前叢生秀麥雉壇之風雅未敢
重揚石室之英華豈堪復問哉余也覓路迷津入

桃源而放艇棲心玄籙攀珠樹而桂瓢交遊之餘
忽逢羅遠詩篇之作近見湯休如醒石上人者固
其裔也夫綺麗緣情應思累德風花呈態或恐生
魔然而形骸等土木之觀性情當陶鑄之暇慧業
所著緗帙斯盈亦嘗見夫籠天薰焰車馬如流匝
地險巖網羅何密則梵宇寒雲閼房春草未必不
侈于銅龍金谷也廣陵調絕綠水誰鳴華亭路遙
白鶴空唳則虎踪說偈驢背行吟未必不賢于銀
管玉題也烟霞者逆旅之戲具文章者大塊之謗
書或戶戶醬瓿而騰譽蘭臺或人人壘臼而埋名

芝谷則木觚貯字玉井沉簡未必不壽于太學碑

書或戶戶醬瓿而騰譽蘭臺或人人壘臼而埋名
芝谷則木觚貯字玉井沉簡未必不壽于太學碑
雒陽楮也况夫五乘深叅三空獨悟其所以發雪
山之秘藏揮靈鷲之上辯者更有進于此乎甲辰
蓮開日題于海棠窩中

海棠緣序

昔者龍門攄憤始開紀事之源楚澤埋憂實著言
情之藪蘭皋人遠亦有麗詞石室書殘非無變響
是以虞初小說垂百種而非繁子夜哀歌歷四時
而不斷香生莫返曾聞花上盈盈雲想爲緣如見
鹽中昔昔瑤臺易醒榮華悟槐國之虛錦襪難留

歌吹感黎園之舊雁飛汾水淚沾李嶠之衣月冷
邗溝腸斷韋青之舫嗣後雕章間出妍唱爭傳或
情以悲生或事由幻顯會真蕭寺壁合雙文追賞
荷池釵分兩地樓中弱骨寄薄倖于紅裙亭畔幽
魂尋冥期于黃壤茲皆騁懷詼詭說本荒唐匠意
漂淫文過靡嫚尚乖立言之旨終成累德之篇若
乃金石交深流連師友閨幃遇蹇判絕姑嫜園土
授書痛吮萇弘之血空山阻雪饑餐左伯之糧魯
國中賓攜孤誓節荀家奉倩歎逝傷神苟其寫以
烏絲被之金縷又何俟歌來易水髮始衝冠鼓向
雍門淚將承睫也爰有蘇門華胄吳地騷人胸貯

烏絲被之金縷又何俟歌來易水髮始衝冠鼓向
雍門淚將承睫也爰有蘇門華胄吳地騷人胸貯
雕龍面鎔冷鐵頑未同于鼉虬望絕蓬山陋不解
于姮娥信窮蘂榜眯目茫茫之隊九烈誰逢驚心
袞袞之塵三湘竟負時則俠能爲用義邁虬髯慈
足相依訓聞熊膽用是雪門獨立學就伊川鳳管
雙吹仙諧蕭史詎意數仍奇而不偶窮每送而頻
來才則多愁貧焉卽病溘先淑儷潘安仁之永悼
何堪零落故人鄭康成之舊遊安在悲難爲狀恨
且靡勝將搔首而叩帝閭天常自醉忽羈魂之逢
土伯地豈能靈悼此孤生等諸殘夢思盧充之再

合相貽宿世釵鈿羨丁令之重來復見舊時城郭
因以儷花之筆發其椽藻之才嚼徵含商曼聲流
乎檀板裁朱拈碧雅調叶乎珠喉所謂燕市傭工
無以逾其憤激雲陽過客未足喻此情痴者矣嗟
乎銀燭高烧空憶傾城之睡麟毫徐點難招香國
之魂花萎故枝人傷薄命斯有同慨烏得無言然
而芍藥欄前清平調未呈妃子琵琶曲裏鬱輪袍
莫進王孫孰令聽之誰爲讀者庶幾紅牙紫袖付
之旗亭名部之雙鬟白榜青簾助以司馬江州之
一泣焉爾

孫子商聲擅清綺之才稟孤峭之性所著海棠

一泣焉爾

孫子商聲擅清綺之才稟孤峭之性所著海棠
緣傳奇蓋自道也予在京師寄索弁言遂敘而
歸之聞其每讀一過輒拍案稱知我者未幾竟
以抱憤溺死元伯之遇無期中散之調已絕念
之不禁潛然

鹽幕卽事序

古有執戟卽官世著扶疎之說彈琴州椽家傳蒼
叢之書若其運叶丕休猷成顯懿溯河清而獻頌
瞻雲縵以颺歌出入金閨布詞條于萬頃縱橫石
室垂筆露于千秋斷可知矣至於位不達才時方

絀命雲從未定乃當龍戰之朝星應將興忽在麟
傷之野則官云拓落遇客能嘲詩曰流離呼人如
袞固其宐也慨自炎精淪照仙葉摧芳萬騎烟屯
卧銅駝於棘裏五陵草沒出金盃於塵間紫塞冥
鴻亦有思鄉之感烏衣舊燕非無去國之悲旣而
雒水鼎遷燕山瑞輯銀床金埒歸豐沛之通侯圭
竇繩樞守義熙之貞士荒槐秋井影落空宮細柳
春江聲吞野老此故土之音猶操鍾子而窮途之
慟獨發阮公也哉東軒先生以瀛洲華選之英當
滄海潛移之日一家臘祭早鑿顏坏十載酒傭父

依梅市豈期九霄側席屢懸想蠋之文四岳張羅

滄海潛移之日一家臘祭早鑿顏坏十載酒傭久
依梅市豈期九霄側席屢懸想蠋之文四岳張羅
並奏薦雄之牘翔鸞赴隴束帛填門然而義在辭
尊暫爲蒼生而出志無充詘終與黃石相期觀夫
左氏賦吳侈言煮海柳州問晉博喻傾星偶托墨
莊何妨鹽幕爰從休沐之暇悉抒藻績之工筆點
五言長城斯寄塵揮三語佳椽攸稱序達名都非
鬻才于皇甫牋辭記室已表意於元暉割螺岱之
遙青行車獨擁闕蜃樓之幻紫佩紱如遺於是迫
遂初心遡迴故里屏浮雲而弗貴抱明月而長終
道之將廢命也如何琇也牽絲南頓步屨東屯敬

求豹霧之廬因識龍文之裔厥有象賢不諉貽澤
發其緗簡示此珊鈞嗟乎松風栗里如披著作之
顏蘿月夔門尚暎拾遺之宅張曲江遺文未泯請
看徐孺之碑馮敬通永恨何窮竊擬江淹之賦恭
疏卮語尚誌幽衷

竹逸園吟序

觀夫鑿坏依汝業不著于名山蜚藻遊賸義或虧
於甘節蓋立人之紀彰物之華二者斯兼曩賢罕
覲也磐石閣先生早履閔凶夙敦恭友廢莪集蕞
篤性府以承家輯柳穿藜秀學山而震世初膺名

于桂籍卽息影于芸居維時鹿走平原駝遷漢陌

篤性府以承家輯柳穿藜秀學山而震世初膺名

于桂籍卽息影于芸居維時鹿走平原駝遷漢陌
堅城七十望鐵騎而瓜分壯士三千偃珠旗而鶴
化巷移王謝難求棲鷺之門隴起張陳爭下揭竿
之檄先生則心籌危圉獨守鄭陣手裂僞符不聞
王臆旣而託蘆渡水遠泛孝廉之船披葛尋丘多
著流離之咏輕裝亾于越載愛子繫于鍾囚確乎
不磷愴焉靡痍逮乎赤眉長遁黃鉞遙臨始旋復
于荆衡仍棲遲于林壑四松如竝頭消蜀客之霜
五柳相依心醉晉年之酒送人南浦或寫離憂坐
月西園每歌良讌碧雲檀板調更叶乎九宮丹藥

瑀函藝且窮夫六緯徒賢書者四十載枕鴻寶者
數萬言爰有文孫實維詞伯丐余素管弁此青緇
惜其蠹蝕羽陵灰飛劫火廣搜秘帳畧睹遺篇然
而崔顥一詩常垂江上姜夔數闋久著花間苟有
可傳奚庸求益嗟夫落紅渡口維鷄犬之已仙凝
碧池頭亦管絃之如夢學弗渝于杖朝之歲名復
發于繩祖之人所謂時窮而節茂身隱而文昭吾
何間然矣世有作者其尚鑒于茲編

顏媛芳在偶葉草序

蓋自媧皇煉石天始摛華媯后沾筠地能紀恨樓

中鳳太雲飛六琯之吹河上槎來星報七襄之織

蓋自媧皇煉石天始搗華媯后沾筠地能紀恨樓

中鳳太雲飛六琯之吹河上槎來星報七襄之織
嗣是攷仙踪于璫笈閨閣爲多問慧業于芸編裙
笄特盛故班史伏經而降世傳授簡之賢衛書管
畫以還代擅臨池之譽瘦細斂之圍帶原屬纖腰
媚繡榻之懸針仍稱巨手今有才妹字云芳在聰
成天上徽著人間裔出名臣幼噉真卿之忠果配
偕君子長依茂叔之清蓮姊是令嫺彩腕則句聯
羣妹母爲道韞綺談則圍解諸郎遡夫粵嶠尋遊
迄于吳門結隱弱髻隨宦賡官閣之梅吟盛鬢相
莊記書帷之茗鬪璇璣互製題分響牒之家編紵

交遺編寄印脂之友簪花妙格寫以烏絲杵月新
聲譜之紅豆疊近文楸之局殆將玳瑁千函攜同
錦瑟之絃寧止鴛鴦兩字爾其啼鶯坐柳聲到枕
而逾多夢蝶棲蘭香入鬟而彌永薤涼秋簟助惱
晨眠蠟盡冬燄替傾夕淚有懷望遠意最愴于哀
時無事登高語獨長于賦物詩成百雉築自夫人
筆陣千軍掃由娘子教鸚日暇兼畱贈妓之篇繡
佛工閒還補施尼之偈至乃慈親常隔仙侶暫離
使不達于明駝信或違于朱鯉梨花別院忽送遙
思燕子空梁曾聞長歎麝鑪裊裊文盈側理之間
虬箭沈沈情罄赫蹠之上摹茲黃絹硯頻捧于樵

思燕子空梁會聞長歎麝鑪裊裊文盈側理之間
虬箭沈沈情罄赫蹠之上摹茲黃絹硯頻捧于樵
青假彼丹唇毫屢呵于樊素遠投記室驚咳唾之
珠生密授典籤快縹緗之錦積若夫露華拂檻調
絕深宮金縷提鞋事移往代微雨動畫簾之魄曉
風碎殘柳之心間發長謠多拈小令倚聲獨苦協
律偏精此又吹綿枝上無能儷彼閔情滴粉尊前
未足追其麗製者也然而命非諧俗才止供愁當
蒼鶖出地之年正青雀浮家之會烏衣巷改尚書
之榮戟都非綠野池平司理之琴尊安在兼以子
纔稱驥望千里而未歸女本名珠入重泉而不返

宅荒杜甫但撫四松道遠秦嘉惟窺一鏡是則草
雖侵案寧解忘憂花總當牕焉能蠲忿芙蓉箋冷
粉漬淚以恒紅翡翠牀疎黛結眉而詎綠攬其著
作哀艷攸殊槩厥生平菀枯各異昔何沃若閉羅
綺兮如烟今乃淒其合鈿釵兮奚日葉寄浮生良
云偶矣以斯命草旨哉言乎聞諸陸弟將貽瘞玉
之銘請自何甥爰綴貫花之序

鶴沙草堂詩集序

兩丸烏兔丹霄無易盡之期八極鷗鵬赤甸有難
該之境茫茫宇宙逝者如斯納納乾坤遼哉莫及

苟其居同坐井跡淹跬步之間識壺窺籠次女弄帷

該之境茫茫宇宙逝者如斯納納乾坤遼哉莫及
苟其居同坐井跡淹跬步之間識金窺籠姿弄帷
房之裏則卑棲一曲動觸四隅旣鮮登陟之遐必
極見聞之陋岫嘯奧簡未獲恣其討搜睢渙芳流
何由資其藻染是以謝公雙屐非止勞園禽池草
之魂杜老孤舟必幾閱巴火楚雷之域行之旣遠
言則能文我思古人亶其然矣今有隱侯哲裔笠
澤仙才夙具神姿遙來碧落早聞家訓小字青箱
比卯歲而工文盡占遠器迨嚴親之出宰隨侍名
都放鶴梅坡非無東兗趨庭之什觀魚花港亦有
南昌遇餞之篇錦負一囊鳳凰在手雲書五朶琬

琬爲心旣而松嶺賦歸蕁溪伏處螢乾秋案委宛
探奇麥泛夏庭摩杪攻苦嘯或生而應虎孰與彈
冠泣每下而成珠偏逢按劍警三餘之枕惟見燈
青敞十上之裘空餘貂黑於是東循郟國北邛燕
關西指匡廬南踰粵嶠寒江飛鷁郵記牙籤古道
鳴驄裝攜銀管爾乃皇居壯麗胄監斌森周覽鴻
都翔揚戚里高軒相接每邀上客題門漫刺未投
已致羣公倒屣移來寸跋蠟甫刻而吟安譜入么
絃雪欲飛而和寡帝京篇出何煩復賦三都公讌
詩成直可平驅七子至其落拓江湖流連林壑晨

征飄爾紀候館之鳴蛩宵夢淒然辨香林之語鐸

鳥鳥臺上馬昂惟圖鳥鳥州邊子襄傳分一五三

詩成直可平驅七子至其落拓江湖流連林壑晨
征飄爾紀候館之鳴蛩宵夢淒然辨香林之語鐸
鷓鴣臺上憑吊雄圖鸚鵡洲邊寄懷薄命引盃看
劍每爲變徵之音倚月望雲不乏思鄉之咏大約
紀遊則州歷其五攬勝則岳望其三緇帙離離羅
千秋于筆底銀鈎爛爛彙萬象于毫端曠矣是編
洵其觀止嗟乎清新無敵僅見伊人儒雅吾師寧
無知己當時薛據曾登古調之科此日范雲莫失
忘年之友胸藏絕業旣大雅之攸存眼豁浮雲豈
長安之獨遠余也生原共里誼甚同懷奉杖將車
夙繼荀陳之好分袍假蓋兼稱管鮑之知出則狎

主騷壇入則偕游藝海自夫饑能驅我久違鱸膾
之鄉動必思君空寄梅花之夢幸來吳聘欣晤秦
山得於燕笑餘辰讀此鶴沙諸詠十年屢別綠髻
將摧千里忽逢青尊莫負念聞鷄之歲月能不傷
心看繡虎之英雄猶然屈首爰當春曉聽鶯之會
共把卷而舒懷因從酒闌拊缶之時遂濡毫而敘
意

莘野堂詩集序

大矣夏聲地是鸞翔之府悲哉秋氣時維桑落之
辰黯黯緇塵南鴻已斷羸羸素髮北斗何依爰辭

黜柳之邦偶息寓臯之跡笑登樓之鍾輻止挾青

辰黯黯緇塵南鴻已斷羸羸素髮北斗何依爰辭

黜柳之邦偶息寓皋之跡笑登樓之鍾輻止挾青
箱懷題障之杜陵正逢紅樹粵有邵陽康子譽望
矜良儀形髯偉三年不見唯林雁之頻飛一日相
思忽牕梅之盡發竭來蹇衛戾止閉門披古錦而
囊開覩華牋之句滿攬其全帙如入端人莊士之
林喻厥幽懷不啻寡鵠哀猿之引因與擊尊咀咏
剪燭摩挲審厥緣情請爲敘意爾其盈車書籍授
自中郎負郭秫田遺由元亮聯五紋于繡管非無
棣萼之劉摹八體于銀鈎亦有竹林之阮奧通琬
琰購蕭字以名齋癖寄縹緗搜鴻文而置枕于是

論交畿輔極命風騷就學河汾與聞性道斜陽寺
壁題每過乎高軒微雪旗亭吟且邀夫勝侶登筵
揮灑早傳鸚鵡之名遇物流連遂擅鷓鴣之號至
若征途倚劍旅館聽雞歷鍾阜之逶迤度彝門之
寥寞秦淮浸月六朝金粉之鄉梁苑迷雲千騎霓
旌之路憶錦袍之往事祇剩漁舟問珠履之舊賓
但存屠肆所以班荆籍卉感慨之什爲多拊筑鳴
箏憑眺之篇斯積也然而陶鑄性情必待鍾神之
境發明耳目更資濟勝之材苟非身托高深未由
成其壯觀加以心遊今古迺悉達乎清音昔者向

君超曠以婚嫁渝期羊傳風流以勲名注慮星槎

取石虛聞博望之一占雲嶺設書董志昌黎之一動玄

成其壯觀加以心遊今古迺悉達乎清音昔者向
君超曠以婚嫁渝期羊傳風流以勲名注慮星槎
取石虛聞博望之占雲嶺投書僅誌昌黎之慟茲
則奕奕故封山稱禹甸囂囂遐軌野樂莘耕飲對
靈源觴可浮之天上坐臨經瀆龍欲化于門前宐
其學藪渟泓燦桃花而金泛詞瀾浩瀚迅竹箭而
爭流矣况復引筇高掌晞髮華池凭絕壁而駐書
幃三窺菡萏凌危梯而尋藥鼎十採璠琤削牘濡
毫接曦輪于咫尺盪曾决背渺陸海于銖苾又豈
若遊從林屋攀玉柱而猶遙夢到崑丘賦瑤臺而
未許哉嗟乎語足驚人不用求之謝眺才宜佐國

何當名此馬周歎紫氣之未銷僊宮可望呼蒼霄
而莫應帝座誰通於此興言能無掩卷江湖獨往
余將挂隱吏之冠歲月靡涯子且藏名山之簡

戴氏家譜序

事之敦本錫類使前可追而後有承者其唯家之
譜牒乎然近世之言譜牒者余竊疑之其或門異
窠張胄殊褒鄂則往往于久不可考之裔遠不相
涉之宗援引附會以自高其姓氏至問其祖若父
之嘉行懿烈渺不記憶而骨肉近戚饑寒失所嫁
娶無所資者漠然若行路之人而已噫循流而忘

源敷枝而傷根豈古者立姓聚族之意哉康侯戴

娶無所資者漠然若行路之人而已噫循流而忘

源敷枝而傷根豈古者立姓聚族之意哉康侯戴
公與予同官于豫各以攝邑事受代相得甚謹時
余兩先人尚無恙迎養在署戴公每過余輒憇焉
若有所慕且自悲者曰維君有親繫吾獨無也余
詢其故知其起家遼左從 章皇帝入定中原駐
軍粵西父母兄弟俱相繼殉國難以沒矣戴公治
沈丘有廉聲內擢奉常撫其季父之孤及兄所遺
女解裝割俸務慊其心親串故舊或遇猝變貧無
以存者不待其陳乞必先意調之於是戴公之譽
藉甚輦下而倅禮負恩自處于污者懼以其名聞

戴公之耳也夫余觀于戴氏之門其爲臣忠其爲
吏廉出捍牧圉則遇難不回入字子姓則施德無
倦雖傳不數世世不數人而卓卓可紀如此此何
俟珥七葉之貂佩五公之環乃卜其昌熾蕃衍哉
後之繩武而名登是冊者其亦可以油然而興矣
歲丁卯孟冬余服除來京戴公出爲西秦州牧於
其瀕行也適舉一子因喜而爲之序

玉海弟紀年詩序

壁光六驥非有待於戈迴海水三塵曾無勞於弩
息蓋境爲物化情以事遷而欲索響前林求形夙

鑑難已然而木斷石穿知焉則懼銖量忝積能欲

息蓋境爲物化情以事遷而欲索響前林求形夙

鑑難已然而木斷石穿知焉則懼銖量黍積能欲
無忘是以候變鳴禽謝客發春草池塘之感而齡
踰走犢杜陵生秋風梨棗之思也維我次公實稱
玉友甫離蠟鳳之辰遂擅雕龍之譽始則侍隨彭
澤臘用義熙旣而遄返羌村亂逢天寶於時顏坏
移照志銳編摩皋廡借陰蕪窮藻繪勝衣弱歲謁
博士於鱸堂釋屩盛年賦嘉賓於鹿野以茲言樂
蓋已兼三如可忘憂何妨滿百詎期閩海船還家
迷太公住吳門人隱世閱興亡忽棣萼之掩芳蘭芽
繼隕當橋林之墜蔭萱草旋凋藐是一身置黃輿

而若粟飄然兩髻入青鏡而爲絲用寫多愁悉成
長句嗟乎納納乾坤假形大塊颿颿歲月托象洪
鑪辭槐國而易榮觀能無歎逝追鳩車而懷陳迹
亦在知非題曰紀年意同惜日君而及此我則何
堪眺斜陽於西閣孰返桑榆扶殘醉於東山未忘
絲竹睹此珊瑚鈎裏卽藏記事之珠唱彼蟋蟀堂
中當念磨人之墨

璧合編自序

雲璈振響奏聳俗而無聞霞錦舒紋示瞽師而莫
覲無他授其所迷則神拒違其所嗜則道渝也慨

自四門勿闕途隘於制科六行不升典移於帖括

青田絲其顛到苑圃因以凌夷甚則毀上持衡灌

覲無他授其所迷則神拒違其所嗜則道渝也慨
自四門勿闕途隘於制科六行不升典移於帖括
情田繇其顛倒菑圃因以凌夷甚則殿上持衡權
歸紫袖闈中揮翰神助青峯以致遇舛數竒才憎
命達淵雲墨妙難求溲粟之階李杜文芒終遜鬱
輪之曲嗟乎齊夫逐臭啣百晦之樹蘭漢士舉肥
歎雙蛾之寫黛是知收竒英于射策誤甚鴻離求
良弼於工詞茫如鵠刻不其然乎然而閉室雕輪
製適衢而齊轍指城辨鐸氣徹獄而干霄鄰德豈
孤友聲自應故矜其墨守則識昧薰蕕罄此澄思
則揆同符節在昔有聞於今猶信余也牽絲項國

遡絕學於伊川炙轂梁園想妍詞於司馬每從署
牒之隙屢傾授簡之誠彩鳳翩飛遙投夢裏神珠
宛轉金照懷間時則座置珊瑚手摹螯白擬昌黎
之矻矻發潛德而何幽乘彭澤之閒閒披奇文而
獨賞豈期物爲好聚情以類臻天遣星軺奉簡來
于日下人推冰鑑行部戾乎土中徧歷東郊儼臨
南頓音知流水遇綠綺而尤憐影照垂花入青銅
而益艷凡所推轂之彥悉爲貯籠之材銖兩能齊
芥針未爽陋非傳鉢偏符甲乙之名靈欲斷緱忽
合雌雄之氣此亦八紘之僅事十帖之偉觀矣邇

者居憂多暇羈旅始秋計日閱乎彌旬搜文獲夫

大沂弁云璧合蒼爾編成夫卞氏踵門罪反生于

合雌雄之氣此亦八紘之僅事十帖之偉觀矣邇
者居憂多暇羈旅始秋計日閱乎彌旬搜文獲夫
大衍弁云璧合蒼爾編成夫卞氏踵門罪反生于
懷璞蘭生睨柱價始發于連城離則兩傷合則並
美若其心迷蘭櫝碎垂棘而投淵日暗金篋蹴懸
藜而置廡瓊玦當道安問璠璣幸輟是編其無終
讀

白水縣志自序

通天下之大析而爲邑一邑之內山川原野終古
有常形而生息於山川經緯於原野者事以歲改
人以世移則必述往示來以備皇圖之載佇青史

之傳而志於是乎成故白水之爲邑其置於天下猶彈丸耳而志仍不可以已也雖然納形于鑑而憎貌之勇生取途于轍而泣岐之悲息志者非僅志其軌物名數爲也蓋惄然宐有深思焉視其境而土荒不治民流不歸凍餒之不甦奸宄之不戢必計其室家婦子思有以爲之所者而後知疆域戶口田賦之所以志也登其堂而政以賄成刑以殘逞保障之弛賓旅之困廩困之不以時發必徬徨枵甚愧于衷思有以去其愧庶無忝於厥位者而後知城署倉庫以及郵獄之所以志也入其

廟而見往聖昔賢與夫聰明正直之神籩豆陳于上鐘鼓奏于下盛服莊容以相對越必爲臣忠爲

徨惶杌甚愧于衷思有以去其愧庶無忝於厥位者而後知城署倉庫以及郵獄之所以志也入其廟而見往聖昔賢與夫聰明正直之神籩豆陳于上鐘鼓奏于下盛服莊容以相對越必爲臣忠爲吏廉表節儀而振風雅思有以垂範當世遺愛後人者而後知官師選舉以及諸祀典之所以志也嗟乎墨者家于官蕙者囿于官而世之所謂才與良者汲汲維榮進之求傳舍其官而已思之弗暇其又奚志則是役之不能無待以成也久矣余至邑五載庚午辛未頻羅於災鉛槧之業輟而莫御壬申始有秋乃合取劉王兩家之言損益其舊蘇碣蠹編極於搜討三閱月而書成司訓兩宐張子

將謀付梓適余以攝蒲城事註誤落職去遂不果
繼余後者爲武林鶴亭吳公嗜學工辭凡有裨邑
政者詢之熟而籌之審其深于思者乎下車不踰
旬卽索余稿因以歸之而爲之序

觚賸自序

原夫天爲石補光乃麗乎三辰地以鰲勝力且維
乎四極蓮生嶽上巨靈運掌而山開鳥走雲中后
羿彎弓而日落若其游神六合抗想千秋都非易
測之情實有難窮之理然則莊生齊物何得置北
溟而不談屈子離騷能無仰東皇而欲問乎况夫

鬼盈睽載易畱語怪之文神降莘言史發興妖之
論杏壇書垂筆削辨六鷁之晝飛龍門事著興亾

測之情實有難窮之理然則莊生齊物何得置北
溟而不談屈子離騷能無仰東皇而欲問乎况夫
鬼盈睽載易畱語怪之文神降莘言史發興妖之
論杏壇書垂筆削辨六鷁之晝飛龍門事著興亾
誌一蛇之夜哭是知虞初小說非盡出於荒唐郭
氏遺經固無傷於典則也余也生雖已晚世不逮
夫嬈嬛思則靡涯心常傾夫蒼葦幼而就傅延吳
札於楓江長且服官謁徐陵於柏府初垂縞帶便
學長吟繼傍玉臺每聆新語入燕都而懷故國記
覽夢華登梁苑而晤名賢書攜行秘迨夫哀纏素
鞞貧典黑貂旅食三年不斷皋魚之淚宦歸千里
無餘劉寵之錢遊跡則雁池鳧渚閱歷偏賒行裝

則玉格貝編討搜獨富旣而聽雞函谷策馬蘆關
歎密法於秦灰欲辨怪哉之氣懷和聲於周鳳還
題吉了之名碑洞文章收諸綠笈橋山陵寢繪以
黃圖今則仍縮銀章更臨珠海鷓鴣啼處朱旗錦
石之鄉蝴蝶飛時丹竈羽衣之洞官逢鬪殺得虎
說于荒江語習媿隅成魚吟于蠻府粲花客至快
雄辯之當筵話兩人歸喜華牋之在篋遂乃傾觚
授簡抄以小胥因之別地稽時彙爲全帙言其大
畧蓋有三焉爾其簫斷吳門曲畱小海筑摧易水
歌起悲風嵇散揮絃廣陵之音欲絕潘邠閣筆重

陽之句無多苟非闡此嘉名誰復求之幽壤至乃

江頭孝女黃絹無傳塞外文姬青蛾莫贖簾窺燕

畧蓋有三焉爾其簫斷吳門曲雷小海筑摧易水
歌起悲風嵇散揮絃廣陵之音欲絕潘邠閣筆重
陽之句無多苟非闡此嘉名誰復求之幽壤至乃
江頭孝女黃絹無傳塞外文姬青蛾莫贖簾窺燕
子新愁鎖夜月之樓門倚桃花舊笑憶春風之徑
維美昭乎繡管斯艷發乎香籥更若大夫觀止雅
檀多能君子至斯夙推博物疏不遺夫草木學遡
葩經註兼及乎蟲魚功期翼雅爰以資其考索非
止襲夫傳聞然而宇宙茫茫人如粟渺江河滾滾
世亦萍浮目不越于方隅每以常而爲怪心苟通
乎大造將何幻而非真念茲得失之林總歸陳迹
悟彼逝來之境庶得遐觀姑存此日瑣言豈曰珠

能記事倘附他年野史亦云稗以備官焉爾

臨野堂文集卷四終

臨野堂文集卷五

吳江鈕

秀玉樵著

臨野堂文集卷四終

臨野堂文集卷五

吳江鈕 琇玉樵著

序

贈柯翰周舉孝廉序

蓋聞玉樹凌雲秀惟標于仙嶺龍駒追日瑞獨遇
于神阪藍田之高蔭扶疎則璘玢自積渥水之平
沙漫衍則蹠躐將騰材固植之於天寶必生乎其
地是以臧孫忠直爲後人必大之符謝傅風流有
當日欲佳之論芝蘭成於階砌車馬溢於門閭非
盛德之足以傳家詎驚才之出而名世恭惟岸初

先生邑稱魏里夙著雄風地接胥山習聞節概遙
通鶴渚范少伯之湖近對虹橋陸敬輿之宅舊庸
則嚴君司李高閎則皇祖賜綸岳鍾異而生申星
垂芒而肖傅耳聰三湧天表靈姿腰帶十圍人欽
偉幹朱衣奉簡弱冠已列荀班丹陛宣麻崑城遂
臨花縣刑清楚館毳銷畫服之璫澤洽春陵麥滯
甫田之穗張禮羅以得士置信鼓以弭奸市不飲
羊纜凋莫葉村無吠犬屢變葭灰由是札降十行
旣以循良增秩政成三善旋以優異登朝青瑣沈
沈攜阜囊而焚草黃扉藹藹對溫樹而忘言章挾

彈劉汚剪使君之化虎圖披繪鄭困甦下邑之殫
魚眷重兩君時踰二紀式和金鼎嗣膺光祿之司

沈攜阜囊而焚草黃扉藹藹對溫樹而忘言章挾
彈劉汚剪使君之化虎圖披繪鄭困甦下邑之殫
魚眷重兩君時踰二紀式和金鼎嗣膺光祿之司
高踐銀臺隨荷納言之任帳前高弟俱入鳳池門
下舊賓咸登柏府在羣生則先覺于盛世爲多能
宜其亂錫象賢嗣稱踵武魏公之笏接席彌光王
氏之槐盈庭逾茂濯鱗潁水八龍向舞于瑤階振
彩扶風五馬近馳于寶苑慨自光沉荔浦軼仙掌
之雙珠欣此氣射豐城躍秋空之一鶚翰周世兄
青箱授學紫苑資神居有驥子之稱出有璧人之
譽兼以襟期警敏風表閑華追賞南垞荷衣滿座

連情西第珠履成行手不屢又標長吟于縹帙燭
猶餘跋扈細律于銀毫况乎歷楚踰梁遡齊入晉
締交上國攬勝中都咏茅店之雞聲紀蘆江之鶴
夢徵歌亭內河黃雲白之詞酤酒樓前影綠香紅
之曲莫不淋漓旅壁流播行裝乃猶息駕林廬俯
心帖括文义工于射策望早重乎決科維時木宿
登年金祗屆節錢塘激浪交翠柳以颺絲松嶺飛
霞追蒼鴻而結陣冰懸空鑑月戶初開槎發長河
龍門竟渡霓裳二八授法曲於蟾宮犀弩三千退
寒潮於貝闕方撤鎖闈之棘旋騰藥榜之名神助
仲文大曆爭傳湘瑟心疑子固歐陽果獲看仙燒

尾聞雷年爲蜀少舉頭瞻日路已非遙祖孫台袞

龍門竟渡霓裳二八授法曲於蟾宮犀弩三千退
寒潮於貝闕方撤鎖闈之棘旋騰藻榜之名神助
仲文大曆爭傳湘瑟心疑子固歐陽果獲着仙燒
尾聞雷年爲獨少舉頭瞻日路已非遙祖孫台袞
將登五公四世之榮父子文章孰並三筆六詩之
盛琇結茅邇越樂志尊溪躡屩入燕廁名槐市初
遊太學卽拭日子昌黎繼謁通家遂傾情于元禮
燕喜獲大夫是過不惜題門飄零念孺子之來遽
蒙下榻始與季方聯席因識元方後與子猷並舟
得交子敬假以齒牙之論置之子弟之班絳座重
幃與聞聲伎縹囊秘閣悉覩書籤偶懷負米之私
言歸笠澤復覲炊梁之遇就試鴻都豈期光逸微

材以地寒爲累仲宣薄命以體弱相嗤愧此雕蟲
資其益醬自憐黑貂之敝悔入咸陽遙驚白雪之
傳羨生鄢郢雖攀桂之途已隔喜屬心知而泥金
之報乍聞榮疑身受集象牙麟毫之管莫罄揄揚
殫桃花穀樹之箋寧攄篆籀特以依仁歲久用伸
托廡之懷投分情多爰發鳴簷之賀負嵩曷極測
蠡奚從

贈徐道積師魯同舉孝廉序

今使歷丹穴之峯指鷓俱鳳適蒼精之野稱籜皆
龍則谷叟獻嘲必嗤其妄溪賓騰誚且訝其夸嗟
乎愚同右衛徒勤謝室之求神異長房孰解葛陂
之化固難與攬千仞之輝論百斛之瑞矣若其身

今復歷丹穴之峯排劍僕鳳適蒼精之野稱籙皆
龍則谷叟獻嘲必嗤其妄溪賓騰誚且訝其夸嗟
乎愚同右衛徒勤謝室之求神異長房孰解葛陂
之化固難與攬千仞之輝論百斛之瑞矣若其身
依疏圃常觀乘霧之羣家近訶池輒遇噓雲之侶
簫九奏則均儀彩翮樹五花則競吐靈珠又烏能
入薛里而言忘過荀門而默息乎玉峯三夫子弁
冕南州丹青北闕天特生爲民覺帝各命以人師
狎主瀛洲八表仰文章之盛遞司憲府九重識臺
閣之尊于時架滿賜書牀盈傳笏杏江聯步參差
題麟子之名龍節分馳次第出駒王之裔固已家
稠隆典國播美談爰泊道積世兄以碧山哲嗣早

淹博浪之投師魯世兄以紫宇韶英久鬱園橋之
選乃者歲躔強圉節御高商月殿初開仲子踵玉
昆而並入星堂復聚幼公挈金友以偕來計此象
賢已踰五竇媿之獲雋實陋雙丁蓋聞元化權輿
理包清濁大渾亭毒序別盈虛至間氣之獨鍾乃
充閭而并發言其難者厥有四焉世或系承朱閹
性則錢癡蔭藉烏衣躬爲緇僧生於堦城曾玉樹
之無聞授以縹緗唯銀車之屢誤茲則牕鷄獨對
勤逾漂麥之家帷燭爭攜勇敢穿藜之士賦傳魯
殿援管能成詞閱曹碑停驂卽悟其難一也亦有

側弁倚才弱而好弄影纓負氣蕩以相凌書作五

雲不恤別餐之熬弊過八日自矜署戶之嚴茲則

殿援管能成詞閱曹碑停驂卽悟其難一也亦有
側弁倚才弱而好弄影纓負氣蕩以相凌書作五
雲不恤別餐之傲醉過八日自矜署戶之嚴茲則
南渚良遊邀仙舟而合棹西園勝集傾子墨而分
毫馮煖雖貧資其彈鋏侯嬴已老迎以登輿其難
一也又若粟輸卞式驟磨白版之階恩乞舒祺倖
補黑衣之數馬卿賦能動主不以書升杜甫語必
驚人未由科決茲則曲終湘瑟夢到峯青字易浦
珠神來柳碧懸諸虎榜名高都尉之牋購自雞林
藝貴洛陽之紙其難一也至乃諸葛馳鑣居仍異
國陶丘列牘薦匪同時鷄下鵬高衛氏之一兒獨

別麟優豹劣王家之羣從多殊茲則叶筮雲鴻達
焉共漸稱歌萃鹿笙則偕吹帖報金泥張令公發
盆登之譽籍通瓊笈李都督絕雙舉之嫌其難一
也是維二妙實并四難雀笥花黃報詎誣于陰德
蟻梁筠綠慶畢萃于巍科曲裏夜光已耀昆池之
月殿前朝彩將飛太史之雲古未聞諸今其觀止
余也孤跡生吳壯齡遊洛流落三千之器以鈍成
材棲遲七十之門惟貧受命求師傳於壇杏因入
鴻都結世講於園桃每登珂里托三珠以自蔭追
兩驥而奚從愛景融之擅名更懷景倩喜知玄之

擢第欲畫知騫洵哉翩翩梧岡響必合于岐鳴之

世鬻鬻菲者見不孤於軒紀之明青衣乾守鬻日

兩驥而奚從愛景融之擅名更懷景倩喜知玄之
擢第欲畫知騫洵哉翩翩梧岡響必合于岐鳴之
世鬢鬢茆渚見不孤於軒紀之朝請依乾符髯白
之郵稱斯盛事擬設興慶綾紅之譙貽爾嘉賓

贈王呂崖之任祿豐序

九霄宮殿日臨籟俊之天六幕圭璋星指酬庸之
地市登神駿臺築黃金沼咏嘉魚河流白玉芙蓉
鏡下紛紜釋褐之夫鳩鵲觀前絡繹分符之吏窺
其名位孰非屬毛離裏而來責以綱常豈止從政
服官而畢也廼有家起殺傭人稱絹僧幸乘滌粟
之階乍入牽絲之侶崢嶸白版方嗤擁篲於乃翁

偃仰青袍莫問蒸梨於爾室當夫蠹將化蜨唯思
捧檄爲歡縱使莪已成蒿寧解廢詩而讀似茲噲
伍無待雄嘲至若裔出高閎榜推上第學嫺緇素
望著衣冠然或攬轡違都建綏越國寄書則峯遙
落雁發使則信杳鳴駝險遇王陽殊少欲迴之馭
榮加溫嶠偏多可絕之裾泊乎缺驥難追明膏易
盡隧而求見終迷闕地之期養不逮存永斷倚雲
之望悲可知矣悔何及乎我友呂崖王君性府篤
純詞源斐亶擅貽舊物守伏勝之一經管發新花
成杜陵之三賦未踰綺歲才擅雕龍旋掇巍科名

留題雁南宮挾藻戶抄傳洛之篇東閣影纓廷擬

登臨之選於斯詩也旬有青焉自念貧而夫詩已

成杜陵之二賦未踰綺歲才擅雕龍旋掇巍科名
留題雁南宮挾藻戶抄傳洛之篇東閣影纓廷擬
登瀛之選於斯時也洵有情焉自念貧而失恃已
空銜嚙指之悲壯始成名可無慰介着之樂蕭蕭
征騎竟息意於金閨森森歸帆仍取途於石柱徑
蜚蒼雪孝筍環生門繞碧嵐壽松孤峙毳羶畢備
晨餐之度閣無虛牀第怕疎夜卧之抑搔必謹薰
風交墅手掖籃輿良月盤卮足隨藜杖懷瓜鄰社
無殊童穉之年攜豆賓筵自執獲臧之役未幾嚴
君方臻耄耄每二豎以交侵唯暨伯兄互侍寢興
至十暮而弗輟甚則齋宮請代剗股鳴哀溷廁親

除浣淪致潔無何藥題無驗龜兆不從痛忽摧心
血罄臯魚之淚毀幾滅性丹枯和嶠之顏醲粥伏
苦練祥縱縱結廬依墓風樹悽悽蓋左右無方率
皆動而中禮始終匪懈直可移以作忠試問之赤
芾班聯此日誰爲會閔乃求之烏衣門巷伊人復
見褒祥猶憶數稔以還偶探雙鐘之勝有懷夙好
曾訪幽棲當高堂強飯之辰正賤子端憂之候俄
驚改燧藐爾凶同比及彈冠翻然旅合余來燕市
相逢感慨之鄉君遼溟池又作別離之客因陳昔
夢以永今朝一縷蒼山將尋萬里入雲之路三更

紅燭恰值九秋話雨之時更有得於竊聞敢以告
諸執事孝能施政載自簡編仁在篤親訓由聖哲

相違愿慳之維君遙涉池又作別離之客因陳昔
夢以永今朝一縷蒼山將尋萬里入雲之路三更
紅燭恰值九秋話雨之時更有得於竊聞敢以告
諸執事孝能施政載自簡編仁在篤親訓由聖哲
以庭闈之悃悞爲民社之經綸苟舉斯心卽優於
學尚憑鷺堠預占喬舄之飛聊藉魚牋用代虔刀
之贈

送程姬田南還省親序

一鴻送臘寒雪千門三豕紀春香塵九陌當帝鄉
改歲之時正客子離居之候爰有詞伯尚爲選人
遡其先喬實並紫陽瞻乃高閎原依白嶽將結桃
花之綬跡寄神京偶參貝葉之文心憐佛日竭來

旅舍共託禪關若夫磬發簾疎香聞榻靜通書籤
於隔院互答吟聲移酒盞於殘筵更申醉約紅罍
促坐語襟嘲詼素練分題義窮商榷旣而天街爆
竹人海鬧蛾月湧璧而輝清星橫橋而彩散瓊簫
隱霧迢迢七寶之宮錦幕凝烟窈窕千花之鏡於
時側帽遊酣聯綦歸緩林蟾欲墜鶯階荇之交流
篝麝猶溫誇路鈿之競拾欣斯良邁暫豈類乎班
荆暢以佳辰悲無勞於擊筑也迺者續紛點藥信
報梅郵睨眴遷音候催鶯乳姬田程子頻歌東雨
輒憶南雲草日忘憂色乍沾於萊服山云陟屺道

尚阻於潘輿亟命鶴裝旋聞驪唱室蘭可佩方占
如臭之爰欄藥初看忽製將離之賦嗟乎倚劍論

輒憶南雲草曰忘憂色乍沾於萊服山云陟屺道
幸極垂賜賜逸音便作鶯乳如任程子頻歌東雨
尚阻於潘輿亟命鶴裝旋聞驪唱室蘭可佩方占
如臭之爻欄藥初看忽製將離之賦嗟乎倚劍論
交易獲許身之俠絕裾求仕難逢望舍之賢欽彼
瞻依懷茲契濶睇吳門之曳練羨伊人獨返吾鄉
念燕館之築金知後會仍來此地

徐母顧太夫人六十壽序

蓋聞巒岡縹緲非培塿之觀川瀆逶迤豈汀滸之
發是以千尋丹壁脈必始乎崑丘萬里黃流源必
由乎宿海矧乎人稱爲瑞茂徽音于由甫之家天
鍾其靈誕哲嗣于竇荀之府斯慶流彤管從致期

顧而德邇榮椽能忘頌禱恭惟太夫人醴侯名族
室擁書堆洛俊高門座揮羽扇曹大家之藻采搖
筆生花桓少君之風標歸轅繫鹿由是適柱臣之
裔儷酒聖之孫緝洸爲勞未辭龜手卮盤惟肅常
對鴻眉雄豪北海之尊咄嗟而辦磊落南州之駕
黽勉相從因之兆叶懸鈴瑞發四旗之夢禮殷截
鬣譽成八翼之賢珠盞星輝共標珠樹鳳池日麗
爭構鳳樓首占太史之書雲生五色繼赴曲江之
宴花插雙枝世俱號以神仙帝乃尊爲師傅燕臺
秦嶺登南琛北駿之才虎觀鴻都擅東壁西園之
座齊山碩望少室與太室分奇射斗鴻文上台與
中台階秀以是臺名玉鏡得秘閣之舍人階挺瑤

秦嶺登南琛北駿之才虎觀鴻都擅東壁西園之
座齊山碩望少室與太室分奇射斗鴻文上台與
中台偕秀以是臺名玉鏡得秘閣之舍人階挺瑤
林識皇衢之國士此皆九熊示訓畫荻貽書萬石
家風實由懿幄三槐世澤爰等流波宐其昌熾方
來神降麒麟之種康寧永錫曆增蝌蚪之編問齒
則梅甲初週賞心而萱憂早釋於時惠風習習淑
景遲遲酣萼揚芬林織絲人之錦慧鶯薦響山鳴
嶰谷之簧榆蔭雕甍綴碧錢而貫影蘭周瓊砌紉
紫佩而垂紋辰旣云良家斯具慶板輿同御羣瞻
冠冕夔龍鳩杖相扶爭羨壘篋元凱宮袍披繡縫

自神針禁燭颺輝化爲異彩歸金昆于珂里爛斑
舞萊子之衣望玉友于蓬山迢遞獻陸生之橘爾
乃聲騰椒掖典出藻宮絳帳談經久賜宣文之號
彩鸞授詔特封臨振之鄉湯沐金錢頒由內府茱
萸珍餌法用上方于是職列鴛班各致登堂之拜
系通蘭牘盡隆酌酒之儀內則桐葉之侯沙隄之
相採芝嶺首四皓交書吠犬雲中八公歛戶瀛洲
學士箋標小碧之吟粉署郎官函致大丹之訣木
天窈窕靜能之桂杖遡飛金馬逍遙曼倩之桃觴
忽至外而柔嘉方牧月樓添變海之籌宴喜大夫

棋墅呈爛柯之局朱幡翠葆旋迴控鶴之車墨綬

油幢遙墜飛鳧之舄尹來勾漏競進丹砂尉返柴

忽至外而柔嘉方牧月樓添變海之籌宴喜大夫
棋墅呈爛柯之局朱幡翠葆旋迴控鶴之車墨綬
油幢遙墜飛鳧之舄尹來勾漏競進丹砂尉返柴
桑爭陳菊水若夫上都才子中谷幽人乘鳳而出
雲間懷蛟而至日下芙蓉在腕敲柳瘦以摘華琬
琰爲心披松鱗以濡翰林淋漓銀筆無非盛德之詞
稠疊縹囊悉是長生之句別有滄洲螺客捧絳雪
而來遊祇樹鴿王坐青蓮而下謁霧綃披拂珠絡
飄颻降授錦之天孫霜凝繭甕集鳴璫之帝女雨
染花臺是則日月壺中星河槎上旣家傳洞府亦
人識靈源錯落珠璣第宅滿三千之履輝煌錦紫

檻屏置七十之帷乃肆芳筵復陳衆樂餌膳則杵
霜研乳成王烈之香膏鼎俎則蒸蕙燃莫行麻姑
之麟脯霓裳星珮按妙舞而乍迴鳳管龍絲雜織
歌而並作塵成白玉十斛猶賒釀出青田千辰未
醒求之天上瑤水仙姬之讌誰與爲倫顧此人間
魯邦壽母之年未有其盛琇以誼深御李地近恭
桑童子何知驚逢椿歲大人有賦喜謁龍門值名
世之引年序初筵之介福遇同啖蛤技等雕蟲譬
猶量晷添絲難測岡陵之算望洋酌蠡詎成河漢
之言聊因汗漫良遊飫心有蕪庶幾揄揚盛事綏

履無疆願寶婺之長輝瞻銀臺而申祝用歌難老

之言聊因汗漫良遊飫心有蕪庶幾揄揚盛事綏
履無疆願寶婺之長輝瞻銀臺而申祝用歌難老
以誌忘歸

徐大司成立齋夫子壽序

粵稽龍紀之朝爰及麟遊之地虞門永闢自來熙
載之良魯鐸遐聞不墜微言之緒是以七十子而
後固有傳人五百年以來非無名世若乃遠紹聖
賢之統近弘邦國之光旣模範乎羣工亦羽儀夫
諸彦則有教秉素絲爵膺蒼珮駐金輿而受易几
杖人師躡珠履而聞詩門牆胄子鱣堂四啟乍變
鶉音虎席九重更摧鹿角昌黎進學之解下逮莊

騷安定治事之齋上同鄒魯維洪都之峻秩實鷺
序之崇班繼而芍藥欄邊毫揮寶硯蓬萊池畔鱸
縷冰盤寵每溢乎錦袍位乃高乎玉署承明視草
滿攜香案之雲崇政說書緩步花磚之日居鄭網
久次之院領袖羣僊登宋祁最上之峰提衡庶吉
非擅三長之雅孰躋兩制之尊今也列戟南司正
繩左轄坐而崑席巍鐵柱以成冠行必分鑣麗繡
紋而作服點染則風霜凜栗咳吐則山岳動搖清
路彤騶陪輦鳴八鸞之後高岡彩鳳封章飛百鸚
之先光華近接夫太微威烈直侔乎台輔此尤深

歷圖書之秘總持臺閣之綱者矣伏惟老夫子神

之先光華近接夫太微威烈直侔乎台輔此尤深
歷圖書之秘總持臺閣之綱者矣伏惟老夫子神
自嶽生忠由帝簡負兩朝之望稱四海之宗數人
間甲子之週僅盈其五論天上清華之選已陟其
三令望令聞願筮大人之吉善頌善禱非稱君子
之年請測以私敬陳其概原夫舞雲化鳳產于孝
穆之家園玉名峯居則士衡之里牀中翠管勇敵
五丁架上牙籤富探二酉擅無雙之譽慧質清標
奏第一之書韶齡高舉才更多于子建名不假于
士安挂藝海之珊鈎瀾迴潘陸植學山之瓊榦壘
墮班揚左梁丘而右夏侯仍旁搜夫汲冢前廬陵

而後涑水亦尚遡夫龍門出阜囊百八之章草搖
無佞署綠笈五千之字蠹食猶僂兼之永日百函
烏絲盡麗數行一紙青李偏工昏壁畱題碧紗遍
籠乎蓮社華牋傳寫銀榜遠購乎雞林於焉雜組
燦而菅蒯失光巨鏞訇而缶竽息響魏家驚蝶忘
佻質于咀英劉氏疥馳化拙形于披藻闢異之功
斯在起衰之責攸歸是曰立言河漢之言也至于
師從黃石胸具甲兵業受青緗手抒機緯啟將軍
之武庫非止工詞佩尚父之陰符詎煩橫槊引儀
鹵簿肅仗下之飲飛秩禮容臺屏殿前之綿蕞冰

衡撤棘風採秦輶玉帳翹關士收燕駿彈夏州之
節度膽落權豪薦般邑之狂生看揚側陋加以內

鹵簿肅仗下之飲飛秩禮容臺屏殿前之綿蕞冰
衡撤棘風採秦輜玉帳翹關士收燕駿彈夏州之
節度膽落權豪薦般邑之狂生看揚側陋加以內
參密勿外贊機宜消烽燧于八閩定戈鋌于六詔
投尺組以擒孟獲膏斧滇池馳寸簡以讐趙佗歿
弓粵海用是泮宮獻馘樂府歌鐃從容尊俎之謀
檄成諭蜀指顧河山之險表著平吳况乃道弗之
區秣稔金服人奴之役牛馬同闌奚有舂藁之傷
吏有逋租之困無不形諸辰告制以良規王褒之
僮約長捐倪寬之賦車永息是曰立功日星之功
也至若性府篤誠道型端重托襟期于月霽比晏

笑于河清竹筍菁菁感因孺慕棣華鞞鞞誼切友
恭潘岳輕軒更侍綵衣八座姜肱大被不離珠樹
三枝撫錦襍之孤甥宅爲相貴陋黑衣之賤息庭
有象賢且也忠恕常存安危自任思而待日深懷
聽鑰之勤事可告天早釋負衾之愧苞苴載道無
由入邛嚴鈴槐柳成行莫敢進依寒鐵洛中廝養
遙識高名海外戎王爭瞻雄表乃復解駮好義倒
屣鳴謙席容脫帽之賓車載吐茵之吏碑摹薦福
屢拯厄于貧交賦袖阿房最銜恩于國士下而蟻
窟審雨架以筠梁雀病翻風藏之中笥家失海鷗
之蓄不問飛銀路逢靈輒之饑特令饋食澤靡弗
逮亭毒之所不踰善有必爲圖緯之所莫紀是曰

鞵聚也細也漢曆律
志物鞵斂乃成熟

屢拯厄于貧交賦袖阿房最銜恩于國士下而蟻
窮審雨架以筠梁雀病翻風藏之中笥家失海鷗
之蓄不問飛銀路逢靈輒之饑特令饋食澤靡弗
逮亭毒之所不踰善有必爲圖緯之所莫紀是日
立德岱嵩之德也照彼袞章樹茲鴻業所謂曾顏
軒冕天爵相從夔禹鼓歌人綱獨振距衛公之箴
酒尚在中齡方崔令之吟花未如高第盡人稱爲
次相舉世望若登仙又奚俟遊侶赤松歷鰲峯之
十五信傳青鳥報桃歲之三千也哉門人琇近托
扮鄉夙依絳帳執經座下受知孰並何蕃捧檄土
中求仕真同毛義當項國辭簪之會正尼山繫紱
之辰是月也金鞵同鞵示肅碧灝敷涼飛書聞錫筮之

榮雲迴鸞紫醉閣想影纓之盛霜染楓丹顧下吏
以塵遙幸長安之日近輝輝南極何須求積石之
芝采采東籬尚得獻歸田之菊閱十年而歌有覺
初見添籌隔千里而祝無疆再逢珥筆

王大中丞印周先生壽序

側聞象垂含譽光必燭乎泰階律協歸昌響自傳
乎神岫龍圖五十俟轅帝而游河桃歲三千金瑤
姬而著籙然則物華告瑞不當愛寶之朝人傑鍾
靈獨在颺言之代况夫吹笙棲嶺本號僊家剪髭
開筵還逢聖主金埒則譽聯山魏珠標則才軼盧

楊起江左之夷吾再稱名世問河汾之夫子重見

真儒此尤系襲烏衣涉三台而獨峻聲侔赤鳥萬

靈獨在颺言之代况夫吹笙棲嶺本號僊家剪髮
開筵還逢聖主金埒則譽聯山魏珠標則才軼盧
楊起江左之夷吾再稱名世問河汾之夫子重見
真儒此尤系襲烏衣陟三台而獨峻聲侔赤舄邁
十部而先馳者矣伏惟某官智府瀾澄映璧輪而
遐照範圍岳峻挺瓊榦以高抒家藏孔氏之簪閎
文特麗座懷陸生之橘至性偏純由是鶴翥靈沙
桂芳傑閣綾餅曲江之宴通籍英齡香鑪侍史之
班試箋華省自爾星催夙駕竹判行符破碧浪於
蘆江磯攀燕子品縹瓷于茶社巖對梅花虞衡之
掌攸專陶正之功亦最加以時平玉燭野息瑯戈
命德自天服五章而三錫簡忠在帝秩一歲而九

遷孰分前席之榮遂歷中臺之任東西二陝畢公
得地何尊內外兩河寇君稱侯獨早數洪庥于疇
昔宐第祿于今茲願祝維祺爰稱旣備若夫座開
絳帳高弟相隨車滿玄亭奇文共賞網珊瑚于藝
海筆吞雲夢之聲拔杞梓于詞峰席引衡廬之色
滕王一序家傳畫棟珠簾泰伯五經人奉緹囊金
板集扶輪之羣力大雅攸歸懸望斗之鴻名衰文
斯起斯則以言壽士厥壽一也爾乃簫鼓中流浮
舟入洛檐帷上郡握節巡梁祠謁媧皇近借補天
之石碑看啟母早懷平地之圭用賈策之三敘箕
疇之一桃花春浪無勞沉璧瓠宮竹捷秋風不待
運斤淇澳問津牛渚信通博望之槎疏派龍門怪

舟入洛檐帷上郡握節巡梁祠謁媧皇近借補天
之石碑看啟母早懷平地之圭用賈策之三敘箕
疇之一桃花春浪無勞沉璧瓠宮竹捷秋風不待
運斤淇澳問津牛渚信通博望之槎疏派龍門怪
息祈支之鎖斯則以績壽土厥壽一也及乎振霜
稜而持憲司雲紀以流膏海嶺望秦日驚斯酷江
潮聽越心識胥寃五夜燃燈屢輟爰書之筆三年
零雨預高陰德之閭墨綬懲汚柙虎爲之不翼赭
衣宥青竿雞因以常鳴鞠茂草于園扉桁楊欲卧
蔭甘棠于芟舍屨踊無謠斯則以法壽人厥壽一
也旣而復涉珠湖載登錦谷舳艫千里牙幢仰節
使之尊鎖鑰百城銀信寄籓侯之重元規樓外卽

有錢倉太白堂前非無米市儲胥爲計遵關石之
書平準是資陋算緡之術朱提鵠化譬園府之泉
流赤仄螢飛識大庾之貫朽斯則以財壽國厥壽
一也似茲道隆兼善皇哉邁跡熙朝功懋克勤允
矣壯猷元老是用衮衣遵渚遂升獨座于中天棨
戟環門載拜羣僚于塵後然猶虛懷接物大度容
人詢必逮夫芻言照能周乎冰鑑急桑田之課則
星未盈原弛酤權之征則風檣連岸奏復貢金之
粟飛輓不因蕭車議分錯壤之鹽懋遷實踰管策
洪惠與汴流偕潤令聞與嵩嶽爭高莫莢纔零臺

萊之吟遍野葭灰未變琬琰之碣干霄維時融旭
馳輪炎雲聚彩辰逢初度會紀太和當浮瓜雪藕

粟飛輓不因蕭車議分錯壤之鹽懋遷實踰管策
洪惠與汴流偕潤令聞與嵩嶽爭高莫莢纔零臺
萊之吟遍野葭灰未變琬琰之碣干霄維時融旭
馳輪炎雲聚彩辰逢初度會紀太和當浮瓜雪藕
之時正酌斗懸瓠之候指河山之四塞帶礪何遙
著道德之千言圖經非妄將見丹書入告楓陛徵
庸瑞叶佩刀寵升台鉉斯則以德壽世厥壽無疆
寧止羽翼銀潢採商芝而誇俊偉鼓吹石室錫韋
谷而號逍遙云爾哉琇也蘆中小草涔內微鱗長
安杜曲之遊名慚居易太學槐街之選齒借昌黎
于焉業廢操觚情縻捧檄披頓山之灌莽守項子
之彈丸雀可羅庭魚常生釜所幸廕加幃幄仰鵬

息之垂天誼切粉榆惜鷄飛之決地雖依光于暮
月實等貺于岡陵化黃衣之公子難酬巾笥之恩
求白衛之真人長進琅函之訣已辭勾漏無由購
彼丹砂將返柴桑卽此獻同甘菊

吳母徐太孺人壽序

釣鱸渚畔長浮少伯之舟鬪鴨欄邊夙構龜蒙之
宅琅玕漾碧西園則曉露千尋穉翻紅東畝則
夕陽萬頃吟鐙寂歷書籤與藥裹俱封遊屐流連
茶竈與筆牀並列其間有畸人焉其人也家本延
陵才如季重勝衣揆藻人稱楊柳之年束帶歌芹

穉 穉稻也

籍寄鴛鴦之水門盈蘭棹揮珠之仙客頻過室秘
璇題吮粉之畫師畢集然而業生自慧早與貝葉

茶竈與筆牀並列其間有畸人焉其人也家本延陵才如季重勝衣挾藻人稱楊柳之年束帶歌芹籍寄鴛鴦之水門盈蘭棹揮珠之仙客頻過室秘璇題吮粉之畫師畢集然而業生自慧早與貝葉爲緣境悟原空晚更竹林是倚閭丘真骨獨秀銅梁孝穆綺情終皈寶誌遂乃棲心鹿苑距跡雞窓坐或十年齋常一月攜尊入社每過惠遠之橋濡筆題碑多在頭陀之寺何爲華胄忽爾禪逃凡此淨因良由孝感蓋以堂前萱茂種分蒼荀之花池上桃開信報迦陵之鳥實惟壽母六時祇禮空王亦越象賢一體願依慧日乃者七旬悅設百福奩開太君正青鴛繡佛之辰令子亦白雀飯僧之會

請於鶴林梵夾唱彼徽音假以龍藏曼華宣其嫵
德昔孺人之歸我彥康先生也鳴璫佩蒞裔衍駒
王習禮明詩訓從麟母眉齊鴻案姑嫜訝德曜之
恭手御鹿轅媵婢遜少君之儉雞聞四野杼軋軋
而先鳴蛩語三更緯蕭蕭而金絡維時擗擋魚竹
已非菊松三徑之貧緯繡琴尊具有烟月五湖之
樂未幾蒼鶩乍出青犢爭驅豪客之船晨書飲鯉
妖王之廟夜火吹狐矢交苧粟之區漸危錦里旂
播桑麻之野旋擾花源孺人則謀協女宗誼聯家
督傾珠籛之百琲壯以千擲散綺篋之千縑供茲

保障田單宗族鐵籠轄而俱全陳實鄉閭星聚堂

而無恙况也歲不金壤村非穀熟浸桑及半鷗竟

督傾珠籛之百琲壯以千擲散綺篋之千縑供茲
保障田單宗族鐵籠轄而俱全陳實鄉閭星聚堂
而無急况也歲不金穰村非穀熟浸屨及半鷗竟
泛以爲天沈版餘三蛙欲鳴而何地路攜糠婦誰
許其肥市指醉人咸驚其瑞孺人則力請發倉心
工算廩翳桑病卧壺貽趙氏之餐公瑾來遊困贈
魯公之粟釜塵飛處都成舉火之家戶柳垂時可
廢禁烟之節此固惠流苦海寶筏之所莫踰功照
昏衢金繩之所莫限者矣若夫鍾阜森森度稱四
謝洛川雅雅嘏說三劉樹無別于同枝孕仍分于
異璞孺人鳩桑不二蘆絮奚單出慈線于手中裁

爲大被題鞞華于樓上勉以連輝過庭則俱曰文
豪劣猶虎豹遶膝則並云家瑞叶似墳篋猗與季
子尚翔龍尾之鱗藉甚幼公更煥鳳毛之彩看此
日青蓮鉢滿悉貯同人多福之謠俟他年彤管編
成定採吾輩長生之頌

孔母徐太孺人七十壽序

自夫風采梁鶻家膺赤芾秩加軒鶴人廢青箱范
子算魚位遂躋於上相馬卿潔粟名竟徹於深宮
於是挾藻之英盡登炊蠟沃飴之館曳珠之彥爭
扶馭脂削脯之輪飾譽慈闈則高援彤管矜陳嘉

祉亦遠假丹丘清築秦臺擬曰西池王母嬃歸樊

室稱云南嶽夫人旣莫嗣乎徽音復甚慙乎華胄

於身拔藻之英盡登妙壘沙館之會曳珠之彥爭
扶取脂削脯之輪飾譽慈闈則高援彤管矜陳嘉
祉亦遠假丹丘清築秦臺擬曰西池王母娵歸樊
室稱云南嶽夫人旣莫嗣乎徽音復甚慙乎華胄
而揚茲婉嫕侈以神仙斯固班史以爲污謝庭之
所鄙矣若乃東國麟遊玉書吐聖人之里南州鳳
集寶誌題才子之門族最勝於區中風更高於林
下况乎峰迴勾曲本號仙都洞接華陽原稱福地
又何能不向銀臺而儀禴翟探金策而頌岡陵乎
如我孔年伯母徐太孺人者副憲見輿公之曾孫
女相國文忠公之冢孫婦而明經傅巖公之淑配
也瞻烈祖於高閔則先生烏府嬪文孫於碩裔則

元老黃扉幼擅女宗已著椒蘭之譽長辭師氏自
嫺纂組之工甫踰織素之齡遂叶卜鳳之慶門風
獨秀俱待成於宣座紗籠神明不衰曾無假於甘
潭菊水恭仰母儀允宜得壽請言其槩厥有多端
爾其家寄千峯人分兩地疊玉爲巖迢遞眺葛溪
之杏飛花成堰逶迤聽茅嶺之松少保致政以還
旋營別業中翰抱孫而後尚侍高堂太孺人相莊
淑慎奉養徽柔粃糲遙通禮無殊於定省琴瑟在
御情彌切於瞻依且也脫釵以佐夫君鳴杼而先
僕御縹緗晨席常連吟蟀之昏絡緯宵燈每達聞
鷄之日旦文壇詩壘蔚有英聲柘館麻池秩無廢政
則處豐似約其志貞也泊乎秦鹿走原漢駝卧棘

御情彌切於瞻依且也脫釵以佐夫君鳴杼而先
僕御縹緗晨席常連吟蟀之昏絡緯宵燈每達聞
鷄之旦文壇詩壘蔚有英聲柘館麻池秩無廢政
則處豐似約其志貞也泊乎秦鹿走原漢駝卧棘
望屋而歎烏棲過都而歌麥秀文相之殉玉塞忠
逮攀髯卞公之歿金陵義同伏劍幸盱眙之猶存
恐褒融之漸及太孺人倉皇避地展轉攜孥賃廡
而居孰識着齊之案浮牛而渡如逢冰合之河維
時堂摧畫錦徑冷平泉野屯梳篦之師邑起萑苻
之寇車驅廣柳收細弱以還鄉詩咏蓼莪奉姑嫜
而依墓體醜黽勉上佐槃匝松菊棲遲重開衡宇
則遇險如夷其神固也至乃喪亂旣平飄搖甫定

尚鳳林之舉燧忽鯨海之揚波悍帥興戎責以獻
韋之役叛奴告密誣爲藏甲之家處處危途年年
繁費太孺人課行官以供賦輟食箸而運籌僮約
屢申輸餉入千畦之稻獄文潛息傾籛散百琲之
珠始也謝家門巷無改巢燕之常旣而田氏宗支
竟免林猿之厄則智以保族其謀長也若夫蘭堂
雁序懿如鍾郝同行藻闢棠花貴若譚邢異戚或
先榮而後瘁或初合而終離問羹廚下妯娌生契
濶之思牽犬閨中娣姒起貧傷之嘆太孺人情殷
任卹誼切周通自爲丘嫂從無轢釜之譏顧彼諸
姬每授蒸梨之訣慕親同於石窳厝以幽宮憶妹
及於鍾離資其雜佩論勞論逸易鄰女以片言印

潤之思牽犬閨中娉妙起貧傷之嘆太孺人情殷
任卹誼切周通自爲丘嫂從無轍釜之譏顧彼諸
姬每授蒸梨之訣慕親同於石窳厝以幽宮憶妹
及於鍾離資其雜佩論勞論逸惕鄰女以片言知
廢知興邁哲人之先見則仁以睦親其量裕也詎
期十年荏苒再世凋零旣椿殞于高林復鷄摧其
比翼君子入仙遊之遠夢元嗣示瞑化而長辭堂
上斑筠淚枯萬點庭前嘉樹玉倚三枝太孺人垂
髮居憂丸熊式誨茹荼集蓼偏彰持戶之能習禮
明詩不懈過庭之問煎心膏而課史已成孟博之
名寄手澤而授書尤勉季方之學箋飛燕市唯令
惜日爲箴郊御魚軒未許閔居作賦則義以垂訓

其識悠也似茲備德乃永延純嘏之方俾爾長生
正盛享遐齡之始歲逢豕渡星紀火流當六幕之
報黻適七旬而設悅令子竹巢年兄才踰八斗炳
繡虎於藝林書擁百城翱翔鸞於仕版將捧毛生
之檄用成萊子之衣爰自幼冲迄於耆艾仿史家
之紀事循親舍以編年紺色神珠光搖京邑綵文
真籙悃溢鄉閭以此烟霞顧陸各傳金粟之圖冠
冕夔龍共發銀毫之頌參差繡牘蒲萄之錦千里
縹緲瑤笙菡萏之峰百丈無不覽茲慶羨罄以揄
揚琇也上國旅人通門猶子諧實分於蘭蒞地遙
接於枌榆心依闕里之堂願聆絲竹躬邁建安之

客常對尊壘惟深契夫象賢同念即

縹緲瑤笙蕳薈之嶮百又無不覽玄慶壽聲以推
揚琬也上國旅人通門猶子謔實分於蘭蒞地遙
接於枌榆心依闕里之堂願聆絲竹躬邁建安之
客常對尊壘唯深契夫象賢固稔知乎內則因從
鳳城染翰并陳勾漏之丹砂尚俟蓬島添籌載進
靈威之璫笈







30225



511 50845



24902 144



24902

